

ACTA DA XUNTA DE GOBERNO LOCAL
Sesión ordinaria do 4 de xaneiro de 2013

ASISTENTES:

Membros :

D. Abel Caballero Álvarez
D. Carlos López Font
D^a M^a Jesús Lago Rey
D^a. Raquel Díaz Vázquez
D. Cayetano Rodríguez Escudero
D^a. M^a Isaura Abelairas Rodríguez
D. José Manuel Fernández Pérez
D. Angel Rivas González
D. Santos Héctor Rodríguez Díaz

NON ASISTEN:

D^a M^a Carmen Silva Rego

Na Casa do Concello de Vigo, ás nove horas e cinco minutos do día catro de xaneiro de dous mil trece e baixo a presidencia do Excmo. Sr. Alcalde, Sr. Caballero Álvarez, coa asistencia dos concelleiros/as anteriormente citados, actuando como Secretaria a concelleira, Sra. Lago Rey, constitúese a Xunta de Goberno Local desta Corporación co obxecto de realizar sesión ORDINARIA de acordo coa orde do día remitida a todos os membros coa antelación legal precisa.

Están tamén presentes por invitación, a titular do órgano de apoio á Xunta de Goberno Local, Sra. Campos Acuña e o interventor xeral, Sr. García Álvarez.

A Xunta de Goberno Local adopta os seguintes acordos:

1(1).- SERVIZO DE AXUDA NO FOGAR. EXPTE. 1326/01, 04/1490/301.

Examinadas as actuacións do expediente, vistos os informes-proposta do xefe da área de Benestar Social, conformados pola concelleira-delegada de área, de datas 19 e 20 de decembro do 2012, respectivamente, a Xunta de Goberno Local acorda conceder a prestación do Servizo de Axuda no Fogar ás seguintes persoas:

- D^a Aurea Abalade Pérez. Expte. 1326/01.
- D^a Clara Rosa González Domínguez. 04/1490/301.

2(2).- RELACIÓN DE EXPEDIENTES DE GASTO MENOR TRAMITADOS NO SERVIZO DE MEDIO AMBIENTE. DECEMBRO 2012. EXPTE. 9080/306

Co fin de dar cumprimento ao establecido na base 31.^a das normas xerais de execución do orzamento xeral do Concello de Vigo, dáse conta á Xunta de Goberno Local dos expedientes de contratación tramitados polo réxime de gasto menor, no servizo de Medio Ambiente, autorizados pola concelleira delegada de Medio Ambiente, Igualdade e Xuventude no mes de decembro de 2012.

<i>Expte.</i>	<i>Partida</i>	<i>Tipo</i>	<i>Asunto</i>	<i>Adxudi-cata-rio</i>	<i>Data De-creto</i>	<i>Data RC</i>	<i>Importe</i>
8537/30 6	1720.210.00. 01	CMSUB	Materiais para repa-racións e mantemen-to	Varios	04/12/12	11/12/12	7.293,03 €
8982/30 6	1720.226.01. 00	CMSER	Celebración do cate-ting da reunión Cam-bio Climático	Panadería El Trigal Celta	28/11/12	04/12/12	4.840,00 €
8984/30 6	1720.226.01. 00	CMSER	Celebración da cea de agasallo reunión Cambio Climático	Apiques Res-tauración	28/11/12	04/12/12	4.996,75 €
9068/30 6	1721.227.99. 01	CMSER	Adquisición nova cha-ve do programa Cad-naA-XL	Alava Ingenie-ros	03/12/12	04/12/12	9.571,10 €
9116/30 6	1720.227.99. 01	CMSER	Mantemento progra-ma CadnaA	Alava Ingenie-ros	19/12/12	20/12/12	1.746,21 €
8951/30 6	1720.227.99. 12	CMSUB	Mantemento hortas medioambientais	Varios	07/12/12	11/12/12	2.592,15 €
9063/30 6	1721.221.99. 00	CMSUB	Adquisición de mate-rial diverso para as praias	Varios	10/12/12	12/12/12	17.933,82 €

A Xunta de Goberno Local queda informada.

3(3).- PROXECTO DE EXECUCIÓN: OBRA DE REHABILITACIÓN DO EDIFICIO DESTINADO A CENTRO DE RECEPCIÓN DE VISITANTES DA VILA ROMANA DE TORALLA. EXPTE. 6837/307.

Examinadas as actuacións do expediente, visto o informe-proposta do 27-12-12, da xefa de Patrimonio Histórico, conformado polo concelleiro-delegado de área, a Xunta de Goberno Local acorda:

Aprobar o proxecto de execución DA OBRA DE REHABILITACIÓN DO EDIFICIO DESTINADO A CENTRO DE RECEPCIÓN DE VISITANTES DA VILLA ROMANA DE TORALLA, redactado pola arquitecta M. del Consuelo González García.

4(4).- PROXECTO DE CONVENIO DE COLABORACIÓN ENTRE O CONCELLO DE VIGO E A ASOCIACIÓN DE COMERCIANTES E HOSTALEIROS VIGO VELLO E SOCIEDADE GALEGA PARA A DIFUSIÓN E CONSERVACIÓN DO PATRIMONIO, PARA PROGRAMA DE COMERCIO Á RÚA. EXPTE. 6851/307.

Examinadas as actuacións do expediente, visto o informe-proposta do 29-11-12, da xefa de Patrimonio Histórico, conformado polo concelleiro-delegado de área, visto así mesmo o informe da xefa da área de 26-12-12, a Xunta de Goberno Local acorda:

Aprobar o texto do Convenio de colaboración entre o Concello de Vigo e a Asociación de Comerciantes e Hostaleiros VIGOVELLO, e coa Sociedade Galega para a Difusión e Conservación do Patrimonio, para un programa de COMERCIO Á RÚA.

**CONVENIO DE COLABORACIÓN ENTRE O CONCELLO DE VIGO, A ASOCIACIÓN DE
COMERCIANTEs E HOSTELEIROS VIGOVELLO E A SOCIEDADE GALEGA PARA A
DIFUSIÓN E CONSERVACIÓN DO PATRIMONIO, PARA UN PROGRAMA DE COMERCIO
Á RÚA**

En Vigo a de de 2012.

R E U N I D O S

Dunha parte, D. Abel Caballero Álvarez, en calidade de Alcalde – Presidente do Concello de Vigo.

Doutra Dna. Milagros Domínguez Fernández, en calidade de Presidenta da Asociación de Comerciantes e Hostaleiros de Vigovello.

Doutra Dna. Ana Isabel Castro Davila, en calidade de Presidenta da Sociedade Galega para a Difusión e Conservación do Patrimonio.

Tendo os comparecentes a capacidade legal necesaria para a sinatura do presente convenio,

E X P O Ñ E N

Primeiro.- *Segundo a lexislación vixente en materia de réxime local e dentro dos seus respectivos ámbitos territoriais, os concellos teñen atribuídas competencias para levar a cabo a promoción de toda clase de actividades e a prestación de tódolos servizos que contribúan a satisfacer as necesidades da colectividade veciñal. En particular, ostentan competencias –nos termos da lexislación do Estado e das Comunidades Autónomas- en materia de patrimonio histórico artístico e mercados (Arts. 25.2 apdos.e) e g) da Lei 7/1985, de 2 de abril, Reguladora das Bases de Réxime Local e 80.2 apdos. e) e g) da Lei 5/1997, de 22 de xullo, de Administración Local de Galicia).*

Segundo.- *Que a Asociación de Comerciantes e Hostaleiros Vigovello está formada por todas as persoas físicas ou xurídicas que exerzan a actividade de comercio en todo o Casco Vello de Vigo, e entre os seus fins atópanse “patrocinar e realizar publicidade xenérica sobre o comercio” e “en xeral, todas as actuacións que sexan precisas para o fomento e defensa dos intereses xerais ou individuais dos seus asociados”.*

Terceiro.- *Que a Sociedade Galega para a Difusión e Conservación do Patrimonio recolle, entre os seus fins principais, “a difusión e conservación do patrimonio galego”, “a creación e mantemento de vías de conexión coas administracións públicas e outras*

institucións sociais”, e “o establecemento de mecanismos de difusión que contribuirán á información, formación, participación e sensibilización cara ó patrimonio”.

Cuarto.- *Á vista dos fins e competencias das tres institucións, resulta de interese común contribuir a rehabilitación económica, cultural e comercial do Centro Histórico de Vigo.*

Unha das formas de acadar este obxectivo e a aprobación dun programa de comercio á rúa encamiñado a recuperar a vella tradición dos mercados no Casco Vello de Vigo, e con ela traballar na dinamización do barrio.

Quinto.- *No mes de agosto do ano 2012, asinouse un convenio de colaboración entre o Concello de Vigo, a Asociación de Comerciantes e Hosteleiros Vigo Vello e a Sociedade Galega para a Difusión e Conservación do Patrimonio, vixente ata o 30 de setembro de 2012, que satisfizo as tres partes, polo que se propón continuar nesta liña de colaboración.*

ESTIPULACIÓNS

Primeira. OBXECTO.

O presente convenio ten por obxecto a colaboración entre o Concello de Vigo, a Asociación de Comerciantes e Hosteleiros Vigovello e a Sociedade Galega para a Difusión e Conservación do Patrimonio, para a continuación dun programa de comercio á rúa, iniciado no mes de agosto de 2012 e que consiste na celebración os sábados dun mercadillo nas rúas do Casco Vello de Vigo.

Segunda. LEXISLACIÓN APLICABLE.

A lexislación aplicable, para este convenio, o atoparse excluído do ámbito obxectivo de aplicación do RDL 3/2011 de 14 de novembro, polo que se aproba o texto refundido da Lei de Contratos do Sector Público, segundo o descrito no seu artigo 4.1.c., queda referida os propios pactos do convenio, así como as restantes normas de dereito administrativo vinculadas e, no seu defecto, ás normas de dereito privado.

Terceira. VIXENCIA.

A vixencia do presente convenio, comezará o día da súa sinatura ata o día 30 de xuño 2013, prazo que poderá ser prorrogado mediante acordo das partes, durante a vixencia do mesmo, de existir razóns suficientes que xustifiquen a mesma.

Cuarta. OBRIGAS DO CONCELLO.

O Concello de Vigo autoriza a utilización de 40 postos de madeira á Asociación de Comerciantes e Hosteleiros Vigovello, e 8 postos de metacrilato á Sociedade Galega para a Difusión e Conservación do Patrimonio.

O Concello de Vigo autoriza a ocupación da vía pública nas rúas do Casco Vello para a celebración deste mercadillo, coa excepción das prazas da Constitución e Princesa, non entorpecendo a circulación das persoas.

O Concello de Vigo comprométese, na medida do posible, á dinamización do mercadiño con actuacións de grupos de música tradicional, segundo programación da Concellería de Cultura, Festas e Política de Benestar.

Quinta. OBRIGAS DA ASOCIACIÓN DE COMERCIANTES E HOSTELEIROS VIGOVELLO.

A Asociación comprométese a devolución dos postos de madeira en perfecto estado, e sempre que así sexa requerido polo Concello.

A Asociación comprométese a deixar as rúas en perfecto estado de limpeza.

Para responder do correcto desenvolvemento da actividade a Asociación de Comerciantes e Hosteleiros Vigovello ten formalizado un seguro de responsabilidade civil.

Sexta. OBRIGAS DA SOCIEDADE GALEGA PARA A DIFUSIÓN E CONSERVACIÓN DO PATRIMONIO.

A Sociedade comprométese a devolución dos postos de metacrilato en perfecto estado, e sempre que así sexa requerido polo Concello.

A Sociedade comprométese a deixar as rúas en perfecto estado de limpeza.

Para responder do correcto desenvolvemento da actividade a Sociedade Galega para a Difusión e Conservación do Patrimonio ten formalizado un seguro de responsabilidade civil.

Sétima. PUBLICIDADE.

A participación das entidades que asinan o presente Convenio deberá facerse constar en toda a información pública que se edite.

Oitava. COMISIÓN DE SEGUIMIENTO.

En orde ó seguimento das actuacións do presente convenio crease a Comisión de Seguimento composta por un representante de cada unha das institucións asinantes.

Novena. EXTINCIÓN.

O presente Convenio extinguirase por resolución e por conclusión ou cumprimento do mesmo.

Serán causas de resolución:

O transcurso do prazo de duración

O incumprimento dalgúns dos pactos contidos no presente documento.

O mútuo acordo das partes.

Calquera outras que, se é o caso, fosen de aplicación de acordo coa lexislación vixente.

E en sinal de conformidade, asíñase o presente convenio, en triplicado exemplar, no lugar e data arriba indicados.

5(5).- COMPLEMENTO DE PRODUTIVIDADE INSPECTOR AUXILIAR DA XERENCIA MUNICIPAL DE URBANISMO. EXPTE.6570/407.

Examinadas as actuacións do expediente, vista a proposta da xerente municipal de Urbanismo de data 20-12-12, conformado polo vicepresidente da Xerencia, visto o informe dos Servizos Centrais do 21-12-12 e máis o de fiscalización da Intervención Xeral Municipal do 26-12-12, a Xunta de Goberno Local acorda:

Primeiro.- Outorgar a D. Xaquín Martínez Posada, funcionario da Xerencia Municipal de Urbanismo do Concello de Vigo, un complemento de produtividade de 1.506,26 euros, con cargo á partida orzamentaria 1510.1500000 “Produtividade” do vixente orzamento para 2012 da Xerencia Municipal de Urbanismo.

Segundo.- Dar traslado do presente acordo á Intervención Xeral e Comité de Persoal para os efectos oportunos, debéndose expoñer así mesmo no Taboleiro de Editos por un prazo de dez días para público coñecemento.

6(6).- ROGOS E PREGUNTAS

Non se formularon.

E sen ter máis asuntos que tratar, o Sr. presidente rematou a sesión ás nove horas e dez minutos. Como secretaria dou fe

rs.

A CONCELLEIRA-SECRETARIA
DA XUNTA DE GOBERNO LOCAL,

M^a Jesús Lago Rey.